



草堂雅集卷之三目

張天英

題萬竹堂

題溫日觀蒲萄

右風

右月

右雨

右霽

題李息齋画竹一枝

識張魏公書心經後



題趙子固三香圖

思陵石詩

王字玉手帖

武陵春曉曲書于玉山佳處

題趙翰林画立伏馬

題張渥描乘鳶月仙

題趙翰林画蘭

題李龍眠画滾塵馬

用玉山韻呈杞菊翁

送陸靜遠授教徽州

題王景南山木圖

題郭天錫画古木

題蒲萄筍圖

題五王對奕圖

題李遵道画古栢

題李遵道画頂松

夏日寄王山人

水仙操

遠別離

題石湖手帖

題釣月軒

題玉山草堂

画山水歌題米元暉卷

題趙子固墨水仙

題趙翰林画蘭水仙瑞香

題凌波飛蓋圖

題光風轉蕙圖

題高尚書青山白雲圖

題竹石圖

曲水辭

侍從闕平苑歌

浣紗曲

莫折花

玉泉山

贈臨江潘雲谷

靈岩寺

金陵竹

八月望與項可立約遊石湖是夜月蝕又

兩次韵就約王山人明日同遊

子晉吹簫圖

仲容摘阮圖

送琦元璞叅雪竇

錢塘懷古次高則誠韻

送陶教授還台州

鰲峰寺

石菖蒲贈胡府史

烏夜啼

貞女吟

卽亡金

白門柳

歸燕曲

柳枝詞

妾命薄

相勸酒送黃進士還吳

折楊柳送陳良還山

前有尊酒二首送朱秀才之慈溪

久別離送柳韶之西安

玉几山月歌送映石室住育王寺

題玉山中所藏趙千里画金碧山水圖

題玉山中錢舜舉画五柳庄圖

題三笑圖

題二喬圖

題趙子固画水仙花

雨

雪

風

晴

遊簫臺寄李五峰

題南極老人像

船上燕姬

宴鄭明德與遠子方張伯兩所得落字

桃塢吟與項可立寒食同遊

南江隱者歌

贈相者薛見心

老馬歌

搗衣篇題張永厚描壽陽公主梅粧圖

題顧進道所藏西園雅集圖

芭蕉士女二

酬夔秘監二

石菖蒲為子庭作二

鄭元祐

登鴻山弔梁伯鸞

送沈仲說

送張仲賢北上

送達兼善秘書

月氏王頭飲器歌

送章高士入閩東杜清碧先生

次韻陳子言

次韻劉憲副春日湖上有感五首

次韻錢伯行遊仙體律詩二首

送劉彥之高士還江東并柬張一無尊師

送何景文

送楊季常

催花雨

生香亭

翠雨亭

陳栖山

贈岑醫

春遊石湖

題楊妃馬上嬌圖

西馬圖

仙人訪隱圖

風林舒歎歌

溪岼濯足圖

松石高士圖

東坡笠屐圖

山雪齋

寄李大本兼東理江陰

送楊季民采詩還江西

題仙山樓觀圖

錢氏東樓

送峽州學正

題蘇武牧羊圖

題梅隱圖

送季山甫慈湖教諭

荅謝白馬真公送茶

春寒

和陳子貞見寄

題曹松逕家譜後

題二馬圖

題許道寧溪山秋晚圖

題盧益脩白描水仙花

題盤松扇頭

題西山水

題梅花卷

題柯敬仲墨竹

題趙仲穆擦痒馬

題趙子昂蘭

題趙子固水仙

題墨山礬便面

題蘭惠便面

題熊自得叢竹便面

題李成枯木

題萬竹圖

題王元章梅

題顧定之竹

題明雪巖蘭

題趙子昂蘭石

題柯敬仲梅竹圖

二

題

題文与可竹

題岳^家伯藏高彥敬雲山圖

趙子固尚書於省幕創軒曰小瀛洲題詩

要和余與玉山同賦

題練雪軒

題山水面扇

送蕭萬戶還蜀四首

楊鍊厓新居畫書舫亭

陳履元画玉山草堂圖

石抹萬戶輓詩

寄張伯雨

活死人窩歌為番易仙伯胡道玄作

題張伯雨精舍吟

至正十年正月一日與龍門僧良琦臨海

陳基聯句送匡廬道士于彥成歸越兼

東蕭元泰盧益修云

和玉山見寄

雪槎軒

送李秀才鄉舉

劉宗師入覲次虞學士韻

送僧禮五臺

次倪元鎮見寄韻

送毛彥昭歸三衢

明月鏡

送人

遊仙

柳下鍛圖

題小妹卷

春華蝴蝶謠

次沈元存齋見寄

六月六日初度有感

遊天平題文正公祠玉山同賦

長孫皇后免冠圖

題謝自然像

題張叔厚白描麻姑像

題達監司所藏柯博士秋山圖

桐華烟為吳國良賦

吳克恭

送沙子中經歷建寧

送盛棟師遊浙東

送友生

城邊柳條

達兼善除秘書監未上而有侍郎之命賦
詩奉送

陽羨茶

東陳漢卿即官

通義興周將軍廟

懷杭州李二伊

贈曹仲普

荅陳伯將見贈兼東陳漢卿明府

問郭君錫病

題張氏溪園

臆月二日茅君煉丹之日是日丹光墮處
發見

許御史示長公左丞貢院倡和詩

惠山泉

送達天山應奉北上

懷陳漢卿從事

送趙志安之南康

用廣智禪師語意寄題仲潛上人南昌凝
翠樓居

道傍古坟

元日試筆

賦翟志道家三琴翟年五十九以青陽縣

今引年蓋高士也

題白雲牕

倚雲樓為至上人賦

見山亭為洞神宮主江濟川賦

納交行

題虞幼悅西郊草堂

秘書行送達秘監

送牛彥伊湖南憲副

送曹德昭入掾中臺

送牛彥伊之金陵兼寄曹德昭御史

送張中丞之官翰林

送友人歸苑陵

題張氏綠野堂

次韻虞內翰寄倪元鎮

春日

偶成

橫塘曲

唐宮詠

蛭

送龍翔俊用章住吳白馬寺

送鄉人錢明之赴閩閩掾

春風

送卓御史移西臺

陶巨川歸養

寄石民瞻

寄曹德昭臺郎

二月十九日登大茅峰夜宿元符宗壇因

呈集虛真人并間遠潘尊師

早行

惡木

蓮田荷葉田

草生盤石上

白苧

谷口訝采榮

草生可攬結

題玉山所藏淵明師來圖後

蛛網上落花

送湯生茂才歸宛陵

春夏承湖南僉憲兀顏子中問訊敬用酬

上

賦少尹廼元臣為東平郡王之諸孫來求

詩

奉同楊廉夫賦簡杜原夫達兼善

送黃秘書歸金華

東城行

南陵翟忠道以著書為青陽縣尹作詩貽

之

策馬出郭門

題元暉山水

丈人行

寄陳衆仲供奉

陳方

題野秀堂句項可立同賦

送趙虛一還金陵

題宣和所製赤駒圖

送蕭天祥為蕭山縣學官

葦彥清登常州玄妙閣有詩因同韻

題割股老女卷

呈王本齋尚書

清閼閣詩二首

新正獨坐

元日後雪

送蔡霞外

寄開元和尚

元宵留無錫有感

贈茅山呂洞陽兼寄卽孤岩

就王季野省父簡孫子翼處士

下款四首日係

送覺上人謁龍翔錄寄子翼

王季野由鎮江過揚州省勤父尚書以送

奉白雲鄉兄

寄王叔仲

草堂雅集卷之三

張天英

字楠渠温州人酷志讀書二十年通貫經史徵
為國子助教性剛方不事趨諂再調皆不就遊
西浙多居吳下放肆為詩章尤善古樂府皆馳
驟二李間時人多愛誦之與予最為友善凡有
所作必馳寄草堂自號石渠居士云

題萬竹堂

芙蓉城中開紫府華蓋飛、翠娥舞仙人宴坐碧雲



玉山顧瑛類編

冰於馮字

堂朝發蓬瀛莫玄圃昔將簫管御風吹散落人間鳳
皇羽冰夷夜失珊瑚枝白日滄江啼黑雨龍賓十二
行玉牕青士三十射金虎我欲從之遊脫冠掛神武
來彼雙颺輪攀天叩天戶願持萬丈竿為天掃塵土
亭：此君節何由獻明主紛：鷹犬人徒費銀黃繫
三組君不見古之仙千歲一歸華表柱下視世人何
足數

題溫日觀蒲萄

天末驪珠洒翠虬向人飛舞入瓊樓西風吹醒瑤池
夢咲指青山似貝丘

右風

月宮仙子下瑤壇帝遣山中采木難夜半龍來作人
語蜿：影上碧牕寒

右月

古根蟠結大宛西魚目搖光亞玉題舞劍醉留今雨
客龍髯顛倒碧蛙啼

右雨

馬乳離：竹尾斜日西檐影落龍蛇醉中長記乘查
老教与山人釀紫霞

右霽

題李息齋画竹一枝

十年不見李青蓮，幾度溪頭共醉眠。
寂寞一枝江上影，脩龍尾拂蒼烟。

識張魏公書心經後

我家驪珠三萬斛，悶在滄海之龍宮。
紫岩老仙補天手，攀龍取日扶桑東。
袖握湘皋三百顆，夢回山寺談空。
赤氣浮光江貫星，月正凜：摩蒼穹。
千載幽光照人世，海神出水啼青松。

題趙子固三香圖

昔時我在桃花源，群仙呼我遊崑崙。
飛佩凌波出湘浦，月明同醉羅浮村。

江頭小白効曠者，瓊蕤暗結心婵娟。
紫皇召還蕊珠闕，十年摘隱蒼龍門。
道人神遊碧雲裏，染霞能返三香魂。
玉骨千霜蛻幽影，輕烟半濕鮫鮪痕。
翠羽紛披向人舞，金盃勸我開芳尊。
閨風迢迢隔銀漢，安得下同靈根。
海國天寒忽相見，瑤瑟載鼓花能言。

思陵石詩

黃帝騎龍去不還，玉笙崔上北風寒。
孤臣獨有心如鐵，斲玉鐫詩泣露盤。

王宇玉手帖

西漢文章二百年龍盤親賜蕊珠仙巫雲夢冷金壺
墨誰補東南一柱天

武陵春晚曲書于玉山佳處

武陵春晚花冥冥漁歌蘭柁搖殘星溪涵山氣綠如
酒幽禽啼破松烟青天上時聞鳳皇曲金門飛夢人
初醒長嘯銀臺月中落空翠着衣香霧薄忽見安期
蓬海東劍佩從風降玄霍陽烏啣火縣扶桑袖卷紅
雲朝帝旁手攬龍車觀天光下視蟻國空千霜

題趙翰林西立伏馬

瓊桂花雲綉勒春霜啼新刷紫霄塵月明曾弄滌池

影天廐傳呼五色麟

題張渥描乘鸞月仙

素女乘鸞月下飛飄飄環佩語相依帝家曾識乘槎
客笑倚天孫錦字機

題趙翰林西蘭

吳雲楚樹碧離離手折瑤花半醉時秋佩影搖湘浦
月鳳皇翅冷玉參差

題李龍眠西滾塵馬

明皇最愛玉華駉滾滾芳塵綉嶺宮一曲落梅驚起
舞風摧龍翼戰場空

用玉山韵呈杞菊翁

即陸靜遠也

識人須識元紫芝半生江海來何遲九天雲冷下孤
鳳要借碧梧栖一枝

送陸靜遠教授徽州

太湖流水清且碧衝波直上新安驛蓮花博士千酒
壺芙蓉仙人劍三尺劍拂浮光盡西去酒瀉青天秋
月白嘗聞黃雀仙自古仙靈宅三十六華嶷邈與世
塵隔侍軒轅于此鍊金液亦有小桃源長醉騎
鯨客洞空閔烟霞夜嶺飛魚赤爾來五百年猶存釣
遊迹君居廣文館相看以朝夕我欲與之俱双翔鳳

皇翮君不見紫陽夫子生其間言論惟應夢前席多
士時登問政臺會吐胷中治安策君不見昉溪村上
廉史君俯仰江山慨今昔歸時一棹輕鴻毛須載數
株龍尾石

題王景南山木圖

千年古樹立蒼石三峰兩峰天出雲青溪道士坐舩
上自按玉簫人不聞

題郭天錫画古木

木落空山憶五君
顛蚪飛影拂玄雲
幾夜烟蘿月中
立醉歌如見郭將軍

題蒲萄竹筍圖

王母初來漢殿時青鸞踏折掃壇枝天風吹老龍珠
帳挂墜瑤簪醉不知

題五王對奕圖

千官朝退下昭陽花萼樓高碧樹香一擲乾坤呼六
白玉人催進紫霞觴

題李遵道西古栢

古栢亭一虎臣風雲長遠卧龍身石根霜幹心如
鍊欲向曹瞞掃戰塵

題李遵道西頂松

蒼髯鐵爪欲飛揚肯與人家作棟梁記得石橋明月
夜一溪龍影茯苓香

夏日寄玉山人

赤日行天氣欲焚樹根群蟻正紛：道人心在羲皇
上睡殺青松一枕雲

水仙操

美人兮湘之麋架白波兮騫蒼影瑤珮兮冉：翠旌
兮離：紛昭質以遥睇兮夢靈脩乎九疑

遠離別

桓山禽遠別離養女羽翼長歲暮將安之路難不願

返橫絕四海湄昔年鳳死百鳥集白日哭弔聲淒悲
賢聖聞之淚亦墜古人胡顏掩纍裡別離苦天夢
孤墳萬里冠帶蓬蒿一劍挂樹哀鳴求雄寧辭父母
體化為西飛鴻呼天泣以血月墜青城空山頭還見
我泉下翁吁嗟乎蒼穹

題石湖手帖

五湖水遶城南邊愛湖老翁船上眠桃花出塢如火
燃煉石去補東南天壽櫟春風五雲牋薛濤奉硯中
書前翠蛟白鳳相蜿蜒瑤海細浪飛青烟見者如登
群玉府世人寶之賢十部翁攬龍髯天下上帝遣主

司修月戶咲殺猴冠餌秦虎朝金拜門暮黃土

題釣月軒

武陵溪上釣魚磯白雲青樹秋暉長竿倚石月初
上新雨滿池魚欲飛清郎咲奉長生錄壽客看舞班
爛衣風流一散何時見夢繞竹林行翠微

題玉山草堂

桃花溪上讀書亭海國光搖處士星三月東風迷錦
樹半天南斗射青萍誰騎笙篳吹仙過自醉山花枕
石聽多有故人麟閣上帝前應說草堂靈

画山水歌題朱元暉卷

我有山水癖由来好幽栖十年遊雁蕩五年遊會稽
或言秦王昔時愛仙術驅石下海如鳧鷖洞口誰來
斲龍耳驪珠夜照天鷄啼三峰參差九華老蛟龍鼓
浪方壺低醉墨淋漓落吾手只尺萬里雲淒淒初疑
巨靈關開翠岩濕馮夷擊碎青玻璃又疑劉阮一作破双行
赤城下漁舟棹入桃源一作花溪對此長歌發幽思便欲着
屐來攀躋我家碧山最竒絕綠蘿萬丈緣丹梯憶昨
金門拂衣去自種青松與人齊幾人欲画不到惟
有四時月可以相招攜吾負碧山此為客何異乎巢
由軒冕行塵泥從吾好歸來兮

題趙子固墨水仙

青竹珠簾人似玉霧鬢風鬟綴靈粟一笑誤翻金叵
羅香濕群仙翠桂獨龍國朝回八風舞鳳池醉度凌
波曲瑤琴双歌李白詞馮夷捧出蘭縑綠

題趙翰林西蘭水仙瑞香

廬山仙人駮畢鸞翠雲之裘紫霞冠馮夷如花玉為
骨龍綃抽卷青波寒湘客冷然水蒼翠紉以瑤舟襍
珠緋月明攜手燕霜都當歌醉擊珊瑚碎帝將清氣
結三花人自乘風夢鯨背徒勞王子晉老淚濕瓊簫
年流物化人可招影落水花天星搖君不見銅駝道

五陵桃李門如掃，又不見龍芻草。馬侏夜蹴崑崙倒，
我如雨露元不私。
易哀稿願君採幽芳托
根鳳麟島蔭彼三素
不知老

題凌波飛蓋圖

蕊珠宮人駕雲駢，山中翠蓋何亭亭。老龍飛蓋作風
雨，八仙池上爭娉婷。金環瓊珮裛薇露，双成躡陸青
鳶翎。酒星入水化為石，寒玉夜語天冷冷。白瑤城闕
三萬里，月照影行洞庭。

題風光轉蕙圖

蕙乃蘭之族，一枝三四花。誰將金莖露，煉作紫河車。

白雀啣之去，飛獻玉晨家。飄掃紫雲帶，光風茁其芽。
吾將攬為帷，山中卧烟霞。

題高尚書青山白雲圖

仙人中有琅玕樹，吐作千峯落毫素。峯上蒼々一尺
天，峯下雲行亦無數。固憶曾為天帝客，家住白雲深
處住。白雲隨龍飛出山，我亦攀龍躡雲路。青山咲人
不早歸，大咲龍為雲。悞變化無定端，飛揚為誰故。試
問古共工，何勞不周怒。飄々巢止翁，肯受風塵污。安
得兩齒屐，載我逍遙步。醉卧青山看白雲，莫嗔老子
來遲莫。

題竹石圖

仙人手持青琅玕擲之飛上蓬萊頂玉簫綵鳳雲中
鳴龍影醉眠山骨冷

曲水辭

羽觴泛曲水，性非自然紆迴白石中玉色何娟
春風修竹下清流映群賢揚波折瑤草遠寄蘭亭前

侍從闕平苑歌

闕平城中白日光太行迨，白萬里長黑金天柱上
雲漢銀鞍鶯轂隨君玉步輦龍樓西是時宮人醉如
泥簫韶擁出瑤池路翠蓋優遊拂宮樹千官萬姓歌

太平雪眉山人入山去

浣沙曲

目錄正作紗

溪頭浣沙女素足弄清波綠牕費織手鳴機不停梭
織成綺與綵貴之如綺羅持此寄遠客思君心緒多

莫折花

莫折花莫折花損新枝結根同美惡忍此生別離不
如坐花下長醉春風時

玉泉山

玉泉之水金為扉北風捲葉山無衣白馬双行綠雲
路渺，秋蕪起烟霧姮娥有時騎白鳶弄水滿手驪

珠寒老蟾泣中夜露滴飛蓋鳴琅玕姮娥上天去一
碧光搖鏡中樹石潭風雨忽驚人乃是神魚化龍處

贈臨江潘雲谷

玉笋山人入天祿遺我山中之玄玉鳳尾池頭風雨
腥金霧青烟眩人目玉案蛻蟻化龍夜墨双娥啼
入竹李白醉坐七寶床噴洒驪珠三萬斛天家一顧
人共知玄香太守潘雲谷

靈岩寺

千峰秀出青蓮宇下界神龍走風雨帝遣靈鰲戴此
峰來作中吴天一柱吴王宮雉結浮雲日西施醉

歌舞春

館娃樂未終敵人

隔江嘗膽苦夜半越師

溪上來翻手繁華化為土硯池鳥下咏青蘋樵路幽
香來秋塢昔時寶屨響瑤階誰信荆榛上修廡惟有
琴臺石峩似蒼虎吾將煉成金天高不可補飛閣
當天開五湖三江入牕戶君不見鷓夷子浮沉兩國
烟波裏屬鏤諛鋒固莫辭耻雪夫差肯知止肯知止
今人寧無鼎鑄耳奈何古之人九泉呼不起酒盡革
燕三萬里

金陵行

金陵城頭生紫烟金陵水立東風前神山蜿蜒行入

海白日化龍飛上天十年不見吹簫侶丹鳳深巢惜
毛羽仙子天端騎鳳來衣上斑斑碧桃雨碧桃如霞
浮壽觴秦淮之鯉數天長林鳥回翔集庭樹華峯特
立天中央君行出門無百里中道嗷嗷塞人耳霜風
洒筆山岳搖夜半飛章奏天子

八月望與項可立約遊石湖是夜月蝕又雨

次韻就約王山人明日同遊

黑雲出山雨交加太虛倏忽生疵痕瓊樓瑤境不可
見但覺銀海浮玄華長思昔年玉川子作歌發憤劓
妖墓不知三萬八千戶此時何處相邀遮我欲攀天

躡天柱御風飛步蓬萊家蓬萊揚塵水如墨凍蛟化
魚啼喊呀獬豸從來不識字努力自言能觸邪遺我
白兔所搵藥酌以金樽之霞萬古清光終莫掩二國
自戰空墻蝸酒醒忽憶五湖寺亦有中頂仙人茶明
朝與君買舩去上山採桂窮幽遐

子晉吹簫圖

仙人石上試瓊簫引得青鸞下碧霄長記緱山明月
夜醉歌拍手待王喬

仲容摘阮圖

林中長憶仲容賢水底龍吟阮上絃彈破白雲飛不

去化為盤石已千年

送琦元璞叅雪竇

客鄉送子上吳舩歸心直上鄞江邊五雲中峯夏欲
雪二月西陵花滿川近海家：白鷗集好山樹：青
蘿縣銘公林間紫霄鳳與我交遊三十年

錢塘懷古次高則誠韻

錢塘潮上海門深千古靈胥恨未平北斗文星長黯
：內園官樹尚陰：承華殿冷西人語太乙壇空上
帝臨月黑鄂王祠上路風吹青火出山林

送陶教授還天台

台州目錄正作台州

廣文先生賦歸去天台此時花正開月行舟上山水
白人散江頭風雨來燕雀爭鳴碧玉樹麒麟不上黃
金臺何如門前五楊柳日：青絲吹酒盃

鰲峯寺

石道青蓮入翠微金鰲海上數峰竒樓前風滿潮來
急檐外山高月到遲僧語夜深松子落客吟春盡
花知日西又立谿橋馬呼酒長亭唱柳枝

石菖蒲贈胡府史

九疑仙子贈靈苗兼署瑤臺水石曹人說見花能富
貴誰知存節更清高戟髯香拂驪頰龍劍脊寒生翠龍

鳳毛綠髮老翁多
好客采根食玉嚙
松醪

烏夜啼

城頭烏夜啼
月白薊門寒時
朝陽借光彩
翱翔鳳凰時也
春風黃金樹
結巢在高枝
中心為返哺
還向故人飛也

貞女吟

長聞漢宮人恩深
妬還重自憐
冰雪姿肯戀金屏寵
春風吹倒山妾心
終不動羞死王昭君
玉顏沒青塚

即亡金

即亡金持者誰
十年同舍難相知
不疑肝膽似冰雪
仰天吐氣摧双眉
古人重黃金交情
弃如土奈何今

之人身為黃金死
結交心不同
須防未然絕
何時即得金
白珪之玷乃可滅

白門柳

白門女郎若楊柳
舞衣深勸金陵酒
青絲青手結同心
沉醉東風回馬首
紅袖掩啼痕
請君聽妾言
柳色年：好玉顏
豈長存柔條
不忍折妾意
與君恩紛
花落青春莫
雨暗長亭空
斷魂

歸燕曲

春寒吹北風
送吹雲歸雁上青雲燕
歸心與去舟
乘風似飛箭
愁殺倚樓人
淚滴如花面
烏衣自有家
夢斷昭陽殿

柳枝詞

江頭好風日楊柳參差青柔條為君折行歌出西城
江流二月碧如酒木蘭之舟天上行欲別不醉難為
情

妾薄命

買臣昔未貴樵薪任飄泊中道行且歌安貧以為樂
去婦不卹家憂怨將安托寸心難自持但恐委溝壑
明年五馬還錦衣照城郭君子身已榮妾命一何薄
水覆倘再收恩情豈如昨果然節義風因之日衰落

相勸酒送黃進還吳

目進下解字

黃夫子將歸于吳聽我歌龍門綠桐之瑟酌君以蒲
桃碧玉之壺西登高望山氣扶桑半逐秋風枯玄雲
如車軌層漢聞弦之雁驚相呼君不見斬衣許君命
丈夫何以愚抽戈事不立枉費焚妻孥二豪已成土
從今後人吁豈如魯連東海千金棄擲毋我污昔時
我亦高陽徒相勸酒歸乎

折楊柳送陳良還山

折楊柳送君歸君心似流水柳色空依々昔時九烈
君為染裳衣黃金千萬縷難補天孫機張緒風流
今白首別有新人似楊柳富貴如何早還家葛巾自

瀨山中酒折楊柳為君歌
西雉朝飛春日和栗里春
風門巷多人生莫惜朱顏醜

前有尊酒二首送朱秀才之茲溪

目三總

小牕一夜梅花開天風拂
從東來仙人乘風忽相遇
飄然便欲歸蓬萊且盡花前一尊酒
玉簫瑤瑟重相與君俱為異鄉客
請君當歌共啣盃共啣盃惜君別
明日西陵浪如雪聽唱吳曲趨送君
茲溪去春風二三月十日慈溪路
有酒且相歡毋令白日莫昔時我到
天台山中二女花如顏邀我碧桃花裏醉
乃知此地非人間去君家亦不遠願寄一書謝劉阮

久別離送柳韶之西安

久別離長相思溪頭楊柳樹十見黃金枝
長飛花如白雪心期暗結束東風知東風吹花化為萍
一夜浮遊滿溪水到天池萍亦因之幾千里何時萍寔成
與子乘舟泛蓬瀛

玉几山月歌送映石室住育王寺

我家東海頭長見東海月聞說玉几山
高月如雪今年八月天早寒夜
清光照人別中有樹之古香下有蓬萊之宮闕
石室之仙人乘風泛溟渤手弄珊瑚枝
長歌擊龍鉢群龍趨還尔赤水之玄珠
似

月明天在水美人迢、隔千里東湖明月隨我歸照
我上山攀玉几

題玉山中藏趙千里西金碧山水圖

天上白雲滿谷樹下三間二間屋玄宴先生不出門
自檢踐書手 讀醉翁斜帶紫綸巾過水呼童御黃
犢之背樂不可言王孫寫入冰綃幅君不見戎車
戰場秦王失鹿_具咲殺當時園綺翁白頭去謁隆準

公

題玉山中錢舜舉西五柳庄圖

飛泉屋後銀河縣孤松屋上蒼龍眠四山無數白雲

出好柳五枝當門前葛巾丈人步其下悠然別有山
中天

題三笑圖

我思廬山三十載喜見虎溪三笑圖遠公愛客不愛
酒陶令愛酒無錢沽黃冠道人愛譚道握手故_{顧我}勝成
盧故乃知古來賢達士出處自與常人殊君不聞東
晉英雄數周顛對語新亭泣新鬼

題二喬圖

喬公二女如花顏玉宮仙樹叅差間鳳裾_讀書明月
環寶釵壓隆青雲環手染丹霞染天章綉屏曉卧珊

瑚床石鏡山前瓊草香
春風蕩漾紫鴛鴦
嬌歌双咲
蘭烟蒼中軍留醉牙
帳光回頭兩鬢飛秋霜

題趙子固画水仙花

水仙花上雨垂垂
絕似華清賜浴時
况是親承恩澤
後託根只合在瑤池

右雨

冰肌冷浸六花香
姑射仙人試曉粧
門外玉京天咫
尺金璫瓊珮謁明光

右雪

海上群仙駕八鸞
翠華裊玉珊
寒臨風似學回波

舞要博君王一咲看

右風

仙子騎龍出水瀕
雪衣飛動月為神
停盃聽唱凌波
曲咲醒東都夢裏人

右晴

遊仙臺寄李五峰

簫臺天高山氣寒
璫樓倒景金沙灘
露洗長松翠蛟
泣曉風吹瘦青琅玕
仙遊王子今千載
簫去臺空山
不改石梯竒峭石
蘿深東望蓬萊隔
滄海華表栖塵
窟未歸燒丹灶
濕蒼苔衣木落
鏃錚下鍊壁紫岩桂

落香飛風飛：雲門道士相迎送五色芙蓉滿溪洞生平
履齒能幾來回首十年如一夢客鄉如夢秋復秋故
園淚黃花愁長繩難繫西飛日彭殤蟻蓬營荒立雪瀑
洒巾清入骨烟霞香香靄孤鴻沒世人倏忽不可期獨
酌芳林勸明月

題南極老人像

老人尔何來年貌一何古身披五雲衣相羊步瑤圃
自言南極星乘風來帝所冉：青須眉玉顏如處女
仙鹿御之行仙禽導之舞忻然願相從授以長生語
但恐塵世中歲月不我与何當駕鸞輪与子共高舉

船上燕姬

燕姬倚嬌色珠帽絡金花半醉玉盤面双鬟雲影斜
水邊忽自咲眉目艷春花華芳心為誰發翠袖拂琵琶
宴鄭明德与袁子方張伯所得落字

東家白雲翁載酒青山郭相招竹林彦坐對春風酌
一飛花入樓汎我銀鑿落醉步松月歸令人夢孤雀
桃塢吟与項可立寒食同遊

客鄉見寒食因作桃塢遊年：發春色館娃香逕隨
風流羅敷采桑隔綠水漁童小海歌蹋舟三五了鬟
不知醜紫花紅花簪滿頭欲開未開竹傍户見我白

鬚佯作羞、顏惟微破背人。笑自言此客曾來否。側聞
橐駝語此客寧爾留。太白老元丹丘玉尊錦瑟春風樓。

南江隱者歌

我見滄洲外軒牕浮碧空。初行桃源漸入崑崙墟。
松似人而偃蹇竹款客以扶踈青林樹。白雲葉春
風水。金鱗魚漁舟相問此何處。乃是江南隱者之
所居。輞川圖画滿四壁。堆床玄晏先生書。阿彌霍髮
坐堂上山妻勸酒兒牽裙赤脚井曰蒼頭耕鋤有田
可稼有畦可蔬富雖不足有樂有餘。笑彼孟嘗客。遑
嘆無車不學郊。與島衝寒出騎驢。君不見鹿門老

子所以不肯入城市。彭澤弃官歸故廬。眼中欲得如
此二公者。舍吾與子誰人知。

贈相者薛見心

門有醉李客手持一詩卷。自道見心名。双眸炯如電。
見心須見天地心。人心有如面不同。且如我輩山澤
人。澤握手笑談心。便見綠眼王孫作大官。吾子見之
之心亦眩巢夷顛。顛跖矯賢安得遭。逢堯舜禪。勸君
酒聽我言。人間萬事何足論。與尔且醉花前尊。

老馬歌

花駝老病情頗惡。十年不受黃金絡。日輓重車筋力

盡夜齧殘芻牙齒落鞭入溝朱化為土駭骨峻嶒瘦
如鶴牧夫垂涎葬人腹春草未青池水涸伏櫪長鳴
兩行淚北風蕭：捲沙漠

題張叔厚描壽陽公主梅粧圖

正月七日含章殿落梅吹花香撲面玉人吹起猶未
知重理新粧鏡中見花如玉貌多嬋娟三十六宮都
學徧城中醜婦不解羞來花自點双眉頭

來字是采

擣衣篇

抱杵下空階淒風何弗：丁：石上声愁死深閨月
白露滿銀床絡緯啼不歇青燈鑑孤帷凋盡如雲髮

此時邊塞間嚴霜砭人骨妾心侶重繒熨之伸復絀
裁斷又逢聯短長仍彷彿雖無黻綉紅是妾手中物
所思在征衣寧知袞有關袞闕補無因沉憂遲明發
再拜使者言聽妾訴幽鬱但願早休兵東南民力竭
殷懃致尺書目送飛鴻沒

題顧進道所藏西園雅集圖

西園緬邈天中開仙山淥池異蓬萊翠葆脩：拂花
去傳迎都尉朝天回寶繪前榮日初旭一時冠蓋如
雲來玉案離：發天藻瑶姬催獻流霞盃松下羽衣
絃似語烟霓搖艷金銀臺興酣飛筆洒元氣岩屏負

巖寒欬推幽賞羅衆賓石床淨如拭想像粟里人青
林昆顏色緇衣者誰子入室坐深默眼中綺麗何足
珍回首秋風化榛棘君不見金谷澗龍鱗池木妖石
恠中藏禍機吳歌楚舞頽影淒悲丈夫不愛士富貴
空爾為徒勞玩物志但為後人嗤何如巢居杯飲得
真意年：歲：義農時

芭蕉士女

為愛芭蕉步玉除雲根飛翠濕霞裾藥珠宮裏歸期
近懶把芳心葉上書

二

瑤島春陰翠氣明玉顏彷彿見飛瓊幽懷自厭黃金
屋閑向芭蕉花下行

酬巖秘監

子山
三首第一首雅集未載

青烟竹外黃金芽更對山人酌紫霞半醉東風催上
馬一身香雨濕宮花

二

太液春深綠水濱後宮爭唱柳枝新黃金不買長門
賦醉酒花陰睡殺人

石菖蒲為子庭作

馮夷出海獻珊瑚帶得鮫人數葉湏今夜九疑仙客

到滿衣風露濕玄珠

二

洒筆能招壯士魂
春風芳草憶王孫
何人擊碎連城壁
留得衝冠髮數根

鄭元祐

字明德遂昌人書無不讀肆意詩文前不讓古
雖在隱德與館閣虞馬並稱于時予從遊既久
凡所多得云

吳桓王墓

有吳桓王之墓田乃在盤門南郭邊墓中玉甕久化

土石上赤烏猶紀年寒食無人灑麥飯東風滿地飄
榆錢功昭前王啟吳祚葬地合擇名山川閭闔城
南不百步土薄易致畊夫穿昭絃諸臣號詳密慮不
及此寧非愆緬思山東舉義日郿炷顧已無諸賢惟王
父子起相繼黃星閃避東南尺假之修齡定四海許
下豈容瞞着鞭鑿山掩匠等發掘朽壤一盃誰獨專
白楊蕭々北邙路姓名能得幾人傳

登鴻山弔梁伯鸞

我以飢驅爰適樂土居近山麓山名孔撫問之父老
曰漢伯鸞父嘗登茲山覽歷平楚因以名山義匪誇

謂我行山栖茲豈其所敬弔夫子願嗣德音 栖擇
高魚遊擇深夫子當盛時尚投朝簪顧與德耀傭春
是任杵臼和樂雖：瑟琴上揖唐虞下混古今而我
肱折不知息心年登知命尚浮尚湛聖域緬邈世途
崎嶇矢將從夫子投迹深宵既齊物我兼忘昏曉萬
里非曠一隙非小母曰昭：示人曠：聊從茲逝以
謝膠擾夫子不我違終我身是從蠅附以驥
松有薪朝炊有稻夜餐長子老身真情是鍾優哉悠
哉歌以相春

送沈仲說

錢塘湖上水西頭歷々山人旧釣遊相府猶餘秋水
觀酒旂多樹夕陽樓春喧車馬松間寺夜載笙歌月
下舟見說 消歇休文歸日重淒愁

送張仲賢北上

海上人家亦壯哉遠潮平處是蓬萊道人宮闕天晴
見龍伯衣冠霧裏來東日欲升長照檻北辰在望每
登臺鳳麟洲近天光密鷓鴣樓高雪霧開論治儒臣
工獻納當陽聖主急賢才貢琛還見柑登俎燕席仍
聞樂奏械過雨綠蕪連地遠翻階紅藥倚雲裁故人
若問滄江老為語窮愁絕可哀

送達兼善秘書

木天高拱夜何期翠被更寒初漏遲上帝錄書藏紫
禁貴神燃火出青藜縣知策府稽諏處預想虞廷獻
納時厚報函盈茶蓼頌湛恩汪穢慕蕭詩豈徒述作
矜雄艷政以都俞啟蔽虧國是每濡双賜筆晷光長
發萬年枝從容寶錄開金鏡縹緲祥烟度玉墀儒術
致君還有道皇明鑒物本無私廟謨已發群經秘若
穴寧令一士遺歌咏太平還有待腐儒頭白竟何如

月氏王頭飲器歌

穹廬野布諾水東大旂之下單于宮甲光五色馬如

蟻列層壇嘶朔風月氏降王昔授首圓顱啟封出

盛酒金屑露刀撓以留犁不停手漢國使者

插血盟大邦氣与虹霓爭當時老上天驕子控弦西

射金天精數級論功濺腥血劍花交簇陰山雪欲至

龍廷醉蹋舞一卮倒注陽靈穴哀王之歿同智瑤帝

閣盍遣巫陽招魂招不來守之泣恨結玄雲貫寒日

送章高士入閩兼東杜清碧先生

風日晴縑楊柳青翩然獨宦過南溟山中每憶羅公
遠海上重逢武達靈榕葉擁雲山似雪巖螭房烹玉酒
初醒小冠子夏如相問為話窮愁老一經

次韻陳子言

花藥迎春紅漸肥
燒痕傷早綠全稀
涸陂未下双黃鵠
空谷何嫌一布衣
仙掌玉腴甘露降
齋房芝嫩彩雲飛
德星會向良宵聚
只恐山公取醉歸

次韻劉憲副春日湖上有感

庾信哀多賦漫成
江南文物久晨星
市衢火後蒿橫目
民舍春來草滿庭
浪齒湖隄官柳盡
沙填江浦夜潮腥
歸來何異遼東雀
只有西山慰眼青

二

湖水西邊旧是家
春風繞屋種梅花
傳聞故老談遺

事日受教仙人服
幼霞雀老離巢
松化石鸞孤照水
竹

穿沙只今重到經
行處憔悴蕭郎
兩鬢華

三

潮落空城誰重過
猶餘里耳聽鳴珂
襄陽耆旧知誰在
江左風流不厭多
自見石麟眠枳棘
長聞蜀魄叫松蘿
野梅開盡西湖雪
萬斛春愁奈尔何

四

湖水荒寒食天
相逢猶話國初年
紅樓夜唱花間集
翠管春吹月下船
玄圃自應留富麗
湘雲誰為惜清妍
可憐頭白歸來日
井邑淒涼生野烟

五

青苔寺裏客來稀
烏石岡邊僧自歸
金鴈嘈雲春不去
玉魚衝雨夜曾飛
出門每歌月皎
製佩莫惜芳菲
人世何由比金石
嗟我欲把東皇衣

次韻錢伯行遊仙体律詩二首

海定神風湛綠羅
仙人辭藻寄來多
貫珠音在雲誰
遏琢玉文成手
自磨憶昔絳河輕
就別至今黃竹不成
歌可憐人世書裙
手池上猶籠道士
鷲

二

軋：青牛擬度沙煌
白兔豈無家
肉生徐甲符難

秘斧鈍吳剛
桂始華諦授寶書盟
刻玉醉離瑤席舞
傳芭葩竹宮望拜真
癡絕日：暈光在景霞

送劉彥之高士還江東併東張一無尊師

劍寒秋水客東歸
堂上慈親白髮稀
櫛具定無端玉
蠶綫痕猶是紫烟衣
蜂營崖蜜花爭發
鹿養春茸蕨正肥
自古山林有甘饑
何妨物色報春暉

二

為問江東張道士
著書還了致柔篇
江湖冷落番君
老雲漢昭回象帝
先芋火夜煨霜後
葉菜庖朝汲澗
中泉相依共住
知何日孤宦還
意惘然

送何景文

郡國推何武江湖老鄭虔世儒方蘊藉詩律尚清妍
宰相才難得文章妙莫傳歸耕釣臺畔早寄白雲篇

送楊季常

楊子談經處吳公學道祠宮墻紅靡：庭篠綠差：
演迤詩書澤冲融雨露私草玄心獨苦稽古力難

二載平生學諸生去後思簡書猶用試匠石詎能遺
霧豹方深隱雲鵬豈後時會看清白吏勲業著常旂

催花雨

陌頭微雨細數：陌上小桃紅未開盡日已催梅破

萼向陽還迫草抽莢長鏗早與栽黃獨深巷時須步
綠苔只恐晴明花發盡須教梁燕早歸來

生香亭

方看幽草動區萌便有交枝轉谷鶯樹影齊圓日停
午蜂衙欲罷雨初晴青幕屋角山容出翠養蒲根石
髮生為自新來作詩瘦隱侯元不負間情

翠雨亭

竹梧亭子翠珊：人在空濛烟雨間春暮但聞鶯百
轉秋陰每見雀孤還且看樹頂停雲碧莫踏苔花滴
露班如此林廬不歸去高情誰與共蕭閒

栖陳山

目在陳山

栖遯青山深復深尚尔虽然聞足音鷄鳴樹顛客叩
戶水流花開風滿林身拜東皇撫玉珥首峩南冠彈
素琴一聞招隱淮南賦便將飛屩度千岑

贈岑醫

經路多岐脉貫身顛崖性命屬誰伸如生獨得岐黃
秘起死能兼郭華神龍獻秘方長繫肘虎巡熟杏不
傷人縣知此道無疵杏花發鳥啼隨處春

春遊石湖

越來溪上水融融閒鷓鴣夷棹底風暖霧黃消治平

寺燒痕青入館娃宮笙歌作樂年少魚鳥閑情處

同弔古由來易興感尚循華髮繫孤蓬

題楊妃上馬嬌圖

君不見華萼樓前上馬時君王忘是壽王妃龍顏含
笑待持控海棠睡美春風吹綉鞍嬌凭翠袖冷金鐙
擬跨絲鞭垂宮靴拍欲馳及箠步搖危不支六
宮窈窕千蛾眉並乘要褭黃金羈夫容濯露搃殊妙
雜還綺羅知誰謂獨擁玉環何所之聯鑣欲向華清
池雙龍嚙剝踏花去錦香覆滿紅胭脂從宮車騎空
瞻望並肩私語行遲行母遲日已西漁陽鐵馬

崩雲追終出都門便別離千古萬古今人悲再拜能
忘臣甫詩

西馬圖

西來萬里氣如雲便策天間第一勳此日登訶薦清
廟于今能得幾人聞

仙人訪隱圖

霞光樓觀仙人宅苔色林廬隱者家萬壑千岩何處
是停橈試認碧桃花

風林舒歡歌

舒歡風林秋滿蹊白駒空谷草淒淒相逢不作蘇門

聽應有長松雀未栖

溪岫濯足圖

濯足清溪水已寒青山猶有此衣冠黃塵三尺烏靴
底誰與歸來把釣竿

松石高士圖

松樹連螭山石幽蕭然冠履白雲秋只愁畏壘無尸
祝不但長年為爾留

東坡笠屐圖

得嗔如屋謗如山且着蠻烟瘴雨間白月遭墓食不
盡清光依旧滿人寰

山雪齋

山中太始雪玉光鬱嶺岷積之非歲月坐而閱暑寒
純白既不變空明非難懸冰松稍墜危石澗底蟠
維時古真人首我切雲冠憫世方內熟憂喜虧其完
燕坐以觀復一念萬劫寬問之何因尔咲指青琅玕

寄李大本兼東理江陰

不見李丹名父子澄江日、水烟中角声古戍淒霜
月暝色孤帆亂渚鴻首蓓闌干暈米上兼葭零落歲
華空登高能賦陪熊軾却自窮吟倚北風

送楊李民采詩還江西

悲涼南國采詩歸大雅寡：入譜稀白馬尚隨歌有
客綉裳猶自賦無衣離鷺顧影秋彈瑟舞鳳啣梭夜
織機輯錄已成垂世教珊瑚枝上看朝暉

題仙山樓觀圖

嵯峨三神山仙聖之所居芝草為樓觀霞光曳衣裾
渴飲碧奈漿飢食紫林腴霓旌冉冉下八鸞馭其輿
青童啟藏室帝命較寶書齊心始能讀字：皆玄樞
朗詠以相授靈風舞神魚天遠不得聞何以能啟予
空瞻珊瑚日照耀金

錢氏東樓

飛樓百尺堠山西長日看山不下梯
簷樹午晴烏鳥噪井梧月上鳳皇栖
翠娥度曲繁聲換紺帙垂籤細
字題何處一聲樵子笛陰：桃李綠成蹊

送峽州學正

夜雨西陵樹春風至喜亭學宮資
裁正士類仰儀刑天險開三峽
人心繫六經哀猿月中嘯莫作異
鄉聽
飛鴻歷：度天山何處孤雲是漢
關不滴望思臺上血君王猶及見
生還

題蘇武牧羊圖

題梅隱圖

昔者山人住杭州和靖祠邊水東
流先人敞廬與祠近取逕正在山
之幽平梅花三百樹無復春風一
樹留荒烟野華開鄮躅落日林樹
啼鵲鷓鴣黃昏娟湖裏月每為香
影含孤愁長懷此花冰玉質無之
自足令人羞眼明波間雙白鷗亦
復與世相沉浮不見梅花已淒怨
誰吹聲湖水頭青山難聞楚人調
白髮易感商聲謳吾廬豈亦能自
愛種梅遠屋寧嫌稠二十年間屢
易主歸魂每夢花間遊因觀此圖
歎息萬事何易水中鷗知君斷非
充隱者卜居梅花善自謀我獨漂
零江海上悠：千古一登樓

送季山甫慈湖教諭

季子揚舫之甬東慈湖應与暮潮通
遯吹野岫揚花白鳩食桑林黥子紅
遺老應傳已易說先民誰繼日
鈔功悲涼古學漸頭白日送孤雲
沒暮鴻

答謝白馬夔公送茶

玉川破屋柴門晚遣送靈苗似穀芽
秀白驚看紅藥嫩狂歌起舞白題斜
藍封外裹藏丹箬鼎候旁存伏
火砂啜罷乘風欲仙去更從何處覓
三車

春寒

春寒肅：過王師都出南門送鼓旗
嶺海鯨鯢就誅

日江湖鴻鴈欲歸時
叅差帆葉開溪舫顛倒梅花落
硯池多病杜陵頭白盡
每因送客賦新詩

和陳子貞見寄

別來見話幽人屋
此去當扶野老筇
涇底魚肥春欲上
墻陰薺嫩雪猶封
齋庖不輟頻炊釜
山屐應留醉語蹤
他日孫從外家學
書籤題墨寫教濃

題曹松逕家譜後

三徑雖荒松尚存
東川遺老識青門
秋香歲發窻前桂
海氣暈升屋角
暎春雨丘園花結子
夜潮溝洫浪留痕
于今戶屨知多少
但說師嚴道並尊

題二馬圖

溪官浴馬試與騎一匹受鞍一匹嘶房星之精四飛
去昭陵風雨夜淒

二

沙陀義兒御兩馬正從梁晉爭天下惜哉不見寨夾
破楊五功名竟獨跨

題許道寧溪山秋晚圖

江山黃落楚雲寒野老岩栖一塢寬賣藥長安不求
識如何飛墨下雲端

題盧益修白描水仙花

盧生吮筆寫三花海上仙人欲取將宮闕紫酥春雪
霽好留屏曲寫孤芳

題盤松扇頭

曾障西風庾亮塵支撐根柢妙輪囷屈將千丈虬龍
質一握生綃敢望伸

題画山水

海嶽菴前萬頃雲高深顯晦屬誰分不因此老淋漓
墨那得溪山在練裙

二

默字作墨

画史誰如此老顏能融筆默寫山川青林白石江南
草堂雅集卷三

路何處堪耕二頃田

題梅花卷

此花正如黃叔度不見令人鄙吝生
谷底歲寒誰邀得白駒歌側晚烟明

題柯敬仲墨竹

天矯窮鱗江海姿只今飛默鬣如絲
五雲天遠龍鬣墜盡作篔簹雨後枝

題趙仲穆擦痒馬

咏瘡烏去夕陽西磨痒枯株振鬣嘶
今日戰場春草綠相看誰濯錦江泥

題趙子昂蘭

鷗波亭下楚香銷公子騎箕上沆寥
縱是死灰芳酷烈巫陽誰下九重招

題趙子固水仙

雨帶風襟玉體寒為誰解佩在江干
金支翠鈿那復得只愁歸便去乘鸞

題默山礬便面

一握方諸七里香玉英如雪映春陽
空山絕壑東風晚底事湘叅忘楚芳

題蘭蕙便面

障面無嫌京洛塵一叢蘭蕙出冰輪只疑大地山河
影不照沅湘有逐臣

目錄作竹葉便面
題熊自得叢便面

漪：綠卷鏡中天元子何須苦惡圓萬葉千枝繁不
亂化工消息儘無邊

題李成枯木

遠近陰晴玉萬竿滑川何在綠雲寒硯坳飛默如飛
雨白日蕭郎仔細看

題王元章梅

舊時月色有誰歌拔劍王郎髻已皤惆悵春風舊詞

筆南枝香少北枝多

題萬竹圖

誰如惜墨李營丘屈鉄交柯烟雨稠記得滄江龍出
蟄怒須捲霧拔山湫

題顧定之竹

石室老人画竹石後之學者森如織河源一分派百
殊天下紛：竟誰識

題明雪牕蘭

生公臺石比双娥兩不為稀萬不多蘭蕙香消荆棘
裏光風流轉奈君何

題趙子昂蘭石

捐玦孤臣萬古愁
思君日夜水東流
春風開徧閑桃李
却對青山泣楚囚

題柯敬仲梅竹圖

苔石相依葆歲寒
憑誰翠裏倚闌干
玉文堂上蕭蕭雨
默于今尚未乾

二

誰料丹丘不復生
眼眇長向墨踪明
釣竿若拂珊瑚月
少為梅花住越城

題

抱琴船頭為誰鼓
滿江秋聲荻花浦
鯨魚出聽掉尾舞
曲終鴻鴈起江澣
帝子降兮木葉下

題文与可竹

欲屈王郎作粲使
只應蕭李与文侯
尚有陰竹里館
萬竿玉立輞川秋

題岳家旧藏高彦敬雲山圖

千柱華榱淇淥堂
只今衰草野田荒
空餘寶玩誰開闔
一疊雲山淚一行

趙子期尚書于省幕創軒曰小瀛洲題詩要

余和与玉山同賦

粉署煌煌：閃幻霞道山宮闕宰衡家碧梧每集朝陽
鳳瑞露長滋夜合花風裏槐音聞奏樂秋來星采
乘槎十洲多是神仙宅誰識溪真尚浣紗

玉山詩曰鳳皇池上神仙宅五色卿雲接
帝家金水暖通蓬島浪紫薇香度垣花
中天草木春霑澤滄海星辰夜掛槎聞道
朝堂清議了題詩好為護蟬紗

題練雪軒

誰練紅爐雪晴雲觥面旋六花吹作乳兩腋欲飛仙
蒼壁龍鱗舞松風鱗眼圓如何嚮白石一味舌頭禪

題山水扇面

一握方知鏡裏天分明鴈蕩石城連仙人不患蓮壺
小便駐鸞笙五百年

送蕭萬戶還蜀

將軍旂鼓填西州六詔猖狂一戰收餘墨朝猶磨盾
鼻重鑲夜已拊刀頭歸朝却獻王褒頌去國總存季
子裘醉裏相逢拔劍舞滄江斜日水悠悠

二

萬里乘輶出帝京涉波南海斬奔鯨回轅不困壺頭
役載耒來尋谷口耕尚可班荆談智畧何嫌拾芥取

功名卧吹簫管揚州去莫遣春愁白髮生

三

搃戎西蜀幾經年從事誰令爾獨賢躍馬莫矜橫槊
賦聞鷄不道枕戈眠韜藏寶劍塵生匣愛惜琯弓夜
弛弦歸到閬州三月盡江花如錦照鞍韉

四

百年牽江還閬州旌旂擁接旧君侯按行貔虎千岩
戍蹴踏魚龍萬里流奪錦亭圍花陣雨離堆記積蘇
痕秋平生謾有相如檄擊手何時作勝遊

楊鐵厓新居書画船亭

元詩選作檣
檣樣与職同

草玄心苦思如何艤舫舟輕不動波聽雨夜蓬燒短
燭截雲湘竹噴愁多賦成猶夢橫江鶴書罷應籠泛
渚鷺相見後堂涼月白彭宣腸斷雪兒歌

陳履元画玉山草堂圖

故人陳孟公辭如春氣如虹画法師海岳山如騫鵬
樹如龍騎箕上天二十載有子黠鼻画極工驚蛟噓
雲海浪白離鸞照水岩花紅皴鱗聳鬱礧底松中有
一畝幽人宮石床支頤睨飛瀑意遠欲托冥飛鴻我
欲從之不可得青山萬疊金芙蓉

石抹萬戶輓詩

提師海上戮奔鯨玉帳宵寒隕大星
鑊馬嘶風秋雨暗天
斧夜潮腥常時仗越今傳劍前度平蠻未
勒銘想見城陰練卒處三軍泪洒曉痕青

寄張伯雨

露冷玄洲草樹疎硯泉分得礪循除鈎提石記修人
表筆削山經作志書丹鼎曉温松葉酒茶甌春點菊
苗蕓殘若骸有登真分亦欲西遊候羽車

活死人窩歌為番易仙伯胡道玄作

我嘗夢登天身乘帝青雲下視六合大死人何紛
尸行鬼走不知醜天跳地掉無由分首戴髑髏蒿兩

目腸懸 湊空孤墳自謂策神智可以姦明君自謂
瑠纂組可以成華文自謂昭旂常可以銘前勲形如
枯株心強活氣如濕灰耳強聞哀哉腥腐窟何以能
超群天孫謂言此皆不之云累：白骨成飛塵安知
中有不死人首髻兩結目如電揮柯風雷走 塌
額玉陛下自称小兆臣：之形骸與衆等久斷葷血
腐肉皴言臣不死誠謬妄固有不死丹元君丹元君
在何處泥丸真人直延駐一曲鶯笙五百年死人窩
裏翻身去

題張伯雨精舍吟

翩：風流江海姿青山滿眼空遐思
圮橋授書帝者佐襄城問道天為師
題扇書裾莫相惱傳符繼錄容何辭
願逐白雲去滄江斜日吹參差

至正十年正月一日與龍門僧良琦臨海陳

基聯句送匡廬道士于彥成歸越兼東蕭

元泰廬益修云

歲朝逢王春雨雪暗吳下行人明當發
祐別袂燥莫

把飄飄賀監舟基蹠躩靈運馬山驛梅始繁
琦溪舩

浪仍打紆莊舄吟祐去結遠公社禹穴細奧編
基蘭

亭集群雅神運崔嵬朗風標鷺經寫祐双鳧繼遐躅

千秋祝純嘏基信憑回潮尾春融枯樟鶻祐越臺瞰

蓬瀛胥濤駕龕楮基白戰隱鞍甲綠醕酣餞祐智囊

倒精悍詞鋒發侈哆琦蕭史德苻欵教天遊者道樞

混溟澤語穿脫謨課祐但令冠峨肯羨綬若滄

海寺梯米黃金真土苴接罹或露髮短褐不掩蹠捷

若矢離弦勇如金躍治青雲步伊始白雪和殊寡基

土膏動白萌春情滿原野琦桂樹歌詎已柳枝折難

舍基別夢梁月墮清談松風洒琦蓬藿既可居蘆服

自堪鮓基望玉山阿朶朝卜燈炮祐

和玉山見寄

扁舟不亂白鷗群又復移家入水雲載酒可無人問
字揮毫故有客書裙荒涼漢室銅盤淚剝落周宣石
鼓文猶賴顧循能慰籍江湖冷落見番君

顧瑛詩曰我愛屢居鄭有道屢辭徵幣卧
松雲年來短髮籠紗帽客至新詩寫練裙
几上只留招隱賦人前每讀送窮文清時
已見文名盛日高居訪隱君

雪槎軒

崑崙河源不易窮雪槎萬里待秋風載雲欲問成都
卜持節知成博望功既犯星辰上天漢盍為霖雨佐

年豐如何旅泊嚴陵里只掛詩囊与釣筒

送李秀才鄉舉

秋風又復度宮槐文采何人似尔佳花渚飛雲迎客
棹柳絲縑雨映天街寶刀必淬吳歐冶天馬還生漢
渥洼俗士紛令我病何時高論馮澄懷

送劉宗師入覲次虞學士韻

暫辭白醉三峰日又御青冥萬里風月帔引朝宣德
殿雲韶賜宴集靈宮懸知漢主龍顏喜似見高子崔
髮翁便使圖形在麟閣閑心只愛白雲中

送僧禮五臺

飛錫曉辭師子林五臺天遠谷岩深寶光面
金銀剎天樂時鐘磬音崖土亦知成佛貴
峽泉似寫祝堯心北歸且向皇都住莫聽西風月夜砧

次倪元鎮見寄韻

穴墻荔薜根株懸倒架蒲萄藤蔓牽非與洛下先生
屋須得邛州錄事居鴻雁天高青不雨鶴鴿沙晚白
生烟松雲隱結搆何日書來解榻眠

送毛彥昭歸三衢

載雪曾過太末溪天寒砂石淨與泥確春白粲連灘
響橘熟黃香壓樹低水驛燈明驚見雁蓬牕酒醒忽

聞鷄龜峯記在君歸讀異日春風聽馬蹄

明月鏡

神工鑄明鏡持進嫦娥宮嫦娥羞鑑容掛暮扶桑東
浮雲散天風照耀九海空如何萬丈光瀉入詩仙骨
談玄走銀蟾落筆驚彩虹掩却星斗文孤輝天地中

送人

歲月蹉跎秋復春輪囷癭樹不求伸斧斤何待秋零
落多是長松百尺身

遊仙

煌煌珠樹四時春樹影玲瓏月滿身理罷玉笙朝斗

去就中誰避秦是人

柳下鍛圖

何所聞而來不妨柳下鍛何所見而去魏鼎由尔換
嗟哉志士千古心有鎚不鍛躍冶金

題小妹卷

天寶治哀妹兄出白晝宮庭馘獍猶妹時何在不佐
兄靚粧自銜妖媚質後來形見知何所百鬼尊之莫
敢睹提劍躍馬從其兄每為人家守環堵老韓飢窮
夜縛舩送之不去今幾年妹肯從肆屏逐我亦家富
黃金錢

春華蝴蝶謠題舜舉畫

華魂迷春招不歸夢騎蝴蝶江南飛碧蕤粉香飛不
起卧帖芳茵唾鉛水痴娥眼嬌錯驚顧解裙戲撲濕
寒露折比搔首咲相語何人芳心共栩栩顏雲流光空
影寒冰弦結恨啼闌干

次韻沈存齋見寄

八詠樓前藻思新白鷗波上最情親詩盟有喜諸君
在情話與如野老真歷代寶歸金匱鑰重山光吐噐
車銀丁寧笠澤烟波上留取珊瑚拂釣綸

六月六日初度有感

三十六陂空是似昔荷葉荷花待詩看星辰不合躔龍
猶性命何嫌似鼠肝扁石處卑心不轉藜莪總說淚
難乾晚來惟有墻頭月依旧清輝照鵲冠

遊天平題文正公祠玉山同賦

白雲鄉裏魏祠公翼：烝嘗奠薦時廟響百年亡國
後道求千古聖人知山侵鳥道盤風磴石拔鯨牙插
羽旂更上高亭望吳下墓田秋日正離：

顧瑛詩曰魏公勲業垂前代百世高峰道
並隆立廟東吳見遺像出師西夏有全功
山迴山道千盤盡天入龍門一罅通赫：

皇元昭祀典烝嘗亦與武侯同

長孫皇后免冠圖

貞冠聖人還紫宮按劍欲殺田舍翁：本帝仇今作
輔逆鱗易批難論功后聞君言心慘惻自古君明君
則臣直劍血一濺直臣頭女範先斃賤意臆免冠再
拜明主前陰教遂並日行天異時拭目看陵樹不以
大義虧其全

題謝自然像

老韓佶屈在世間好以險語鍘神奸上仙空飛上丹
闕政自與世不相關奚為造言極誣詆何妨月照千

江水龍伯珠宮深處明
雀髮蒿歸醒時喜扶植世教
須老韓天風不礙鋸鳴鳶
君不見果州南充縣香火
至今盟未寒

題張叔厚白描麻姑像

狡獪仙人來自東海波清淺
日輪紅易遷宮裏飛霞
佩只在鸞笙一曲中

題達監司所藏柯博士秋山圖

風流南國典籤孫筆底江山妙
吐吞雲湧座隅岩木
動瀑飛書屋浪花翻危橋僅尺疑
缸飲恠石逾拳作
獸蹲可即田廬朝掛笏只應蘿月夜
窺門林深曷致
巢松鶴谷響如聞嘯聚猿裹飯趁墟身
欲往擔簦陟
嶠手堪捫公廷未竟東方謔
函史恒推北苑尊老矣
玉文堂上客悲歌一慟為招魂

桐華烟為吳良國賦

桐始華桐始華開向荆溪之水涯
溪聲長繞李侯廟
桐陰儘覆吳生家藏燒墨訣
傳自李潘語非夸掃桐
華烟三萬石物鬼守護無疵瑕
千杵萬杵白兔臼麋
角搗膠無夜晝製成龍香古圭璧
玉剛金純石同壽
奚老然松々化石潘癡坐井々裂甃
二子知掃桐花
烟生也勿之相後先默成飛上通
明天紅雲一朵捧

宮硯試之漆黑勞磨研吳生伎成等潘李肯讓諸莆
先着鞭

吳克恭

字寅夫毘陵人好讀書以舉子業無益于學遂
力意古文其為詩体格古淡為時所稱翰林老
成皆与之交多遊雲林及余草堂而因得其詩
云

送沙子中經歷建寧

武夷蒼々春日黃山行淡子涉炎荒故人右榜多通
顯清廟遺音獨渺茫官堠綠椽林穿荔子人家餉客食

檳榔兼之此地多書籍公退牙籤日幾行

送盛煉師遊浙東

胡麻飯熟氣如雲相望東西浙水分丹室赤城故通
籍青鳶白雀亦同群須識異人多道氣還尋古跡要
碑文豈無福地相逢者高踏雲床寫練裙

送友生

一作唐漢卿

春風顛狂復細吹海蕩波漿動人衣動野桃葉小流
鶯至官柳條長江鱗肥稍別未嫌頻作惡相逢自識
固應稀腐儒竊祿真何補望一作四首、滄洲白石磯

城邊柳條

城邊柳條春意動近者力至復低垂須令傍水留披
拂不獨撩人管別離過月即看隣綺樹卜巢還許借
黃鸝荒州物色猶如此若在御溝應更奇

達兼善除秘書監未上而有侍郎之命賦詩

奉送

鷄年海內龍頭客蚤負詞場一世豪秘監稍遷為學
士侍郎即去重儀曹到京騎從看花蕊過閣朝迴拾
鳳毛家憶玉堂何處所青春白日見揮毫

陽羨茶

南岳高僧開道場陽羨貢茶傳四方蛇御事銜載風土

記客寄手題春雨香故人惠泉龍虎感吾兄紫筍鴻
鴈行安得茅齋傍青壁松風石鼎夜聯床

東陳漢卿即官

荒草土城邊草樹隣荷君詩語數相親文遊豈謂尋常
輩耆旧都與四五人才比阮生誰放曠賦傳庾信最
清新愁深江燕啣泥急偶汚書床不忍嗔

過義興周將軍廟

陽羨溪邊孝侯廟一古平原陸機文字右軍書一古憶借從名士傳家
後謂誰將軍亡國餘蛟虎于今正狼籍鳳麟不見謾
歛一古長松祠歛歛陰棟宇多松檜一古下此隣葺舊擬欲臨流卜隱居

懷杭州李二尹

蘭省故人何寂寞柴門今雨獨徘徊老夫老向愁邊
去春日春從病裏來王粲空傳鄴下詠山公不復習
池回篋中書疏愁俱積忽到思君一屢開

贈曹仲普

學省花陰覆苑牆鸚啼曙色映蒼蒼翁今拜秩少宗
伯樂奏春官新太常通陞起居同典禮侍臣子弟合
為郎扁舟道別江城暮瑟朱弦思渺茫

答陳伯將見贈

目錄下有蘇東陳漢卿明府七字

空山一榻坐談禪野性三生似有緣結幾時心可

遂垂蘿百尺手須牽神交禹穴空青外情在匡廬太
白前寄語江邊種桃者白頭相候看花年

問郭君錫病

向宿丹陽旧草堂映人嘉樹憶相將階前蕙葉幾多
碧江上柳條無數長不擬得書成卧病遥知畏藥自
聞香來時許我青松障莫遣雲墜渺山茫

題張氏溪園

金壇縣東風日淒中有白雀之長溪羽族相悲故巢
失名字尚許幽人栖倘同芝房訝赤雁還學草堂隣
碧鷄數日清秋期一到滄洲画壁有丹梯

臈月二日茅君煉丹之日是日丹光隨處發
見

臈月已至乃如春林下丹光復有神學道因尋許長
史焚香還謁魏夫人黃精在壩秋來喫玉刻開函老
去親流水長松堪坐懋償開書甕識前身

許御史示長公左丞貢院倡和詩

千官寂：漏聲遲春滿宮壺雨露低賜燭漸開簾底
給奏名還許殿前題由來腰裏驂騑並自是蘭苕翡
翠栖儼踏浮槎渡河漢却從北斗望西奎

惠山泉

九龍之峯秀蜿蜒玉漿送出為寒泉來歸石井僧分
汲流入草堂我獨怜暗滴洞中雲細細冷穿池上月
娟：乞茶經与水記俟予歲晚奉周旋

送達天山應奉北上

國中太史浙河遊碧樹風生紫綺裘蜀郡奉祠楊子
老漢廷對名賈生優金盤芍藥還相詠翠籠櫻桃亦
易求幸得草堂同晚飯少陪高輪借留遲

懷陳漢卿從事

兩江故人踪跡疎汾水牛郎能遺書青鏡時：傷往
事素絲日：看新梳簾穿迸樹攢雲氣扇接飛花下

兩餘尔亦官居古道院一春情思竟如何

送趙安志之南康

目志安

西有白雀東青牛老夫甚欲匡廬遊
百花春明錦綉谷二月水深麟鳳洲
予生晚識中執法子去早客西諸侯
倘因矜佩來如雨仍及此時還自修

用廣智禪師語意寄題寄仲潛上人南昌疑

翠樓居

智公族近院西東憶昨樓居在眼中
隱來龍百里過團凝翠歛諸空
神交李白九江上指點廬山五老峰
秀色待食何日可倚欄不獨興無窮

道傍古墳

孤坟兩松樹風起秋陰暮
月出沙草黃野烟于白霧
斯人蓋棺定長夜無由寤
浮生竟何為陟覺傷馳騫
二氣積惓悽山川莽回互
何不學神仙翰飛飲朝露
悲哉茂陵骨曾為仙誤學

元日試筆

園風上日至盆蕙氣何清明
看雪晴處還當春草生
流光泛椒醕哀髮蠟華纓
懷哉金石友浩蕩寄高情

二

昔時蘧伯玉五十始知非
余今四十九懷賢寧再違

匪圖慎寡過修名良可希雅道日以微何以寫琴徽

題目翟志道家三琴翟年五十九以青陽縣令

引年蓋高士也

翟公家三琴琴三金玉微觀其記中記熟讀令人唏

玉微落將家蹴踏當床闈齟齬蛇蚘紋手澤自淮淝

金徽差小王生旧所遺生居湖山上居襜者深衣

憶別三十年老夫減腰圍又有墓中者才德婉而微

其初來薛氏斲者識雷威薛亦乱離得最後歸林扉

公云皆戎反爰比玉与磯昔公為縣今寧弃笏与緋

胡此獨不識釋謂是古音希我嘗聽公彈空齋坐忘飢

松飈度落雪竹日流清扉扉或時作龍吟華玉吼朝曦

或時嶺猿叫夜礪空霜飛或時乘瀏亮露雀鳴江磯

高情寄絕代妙在神氣機感深動惻望洋見頑

浮雲琵琶箏俗耳溷是非藉此羅酒肉識者恒諷議

倘生盜跖粟寧死首薇陽周公不可作孔子將安歸

猗林下蘭茝草聯芬菲春天不得佩歲時晚還幾請

公操此曲古道資憑依公坐默不應面墙看蚍蜉

題白雲窻

白雲本無心乃生窻牖間崇朝寄所托日晏澹忘還

並秀綠蘿雨餘潤紫芝田悠將與同翳還自然

欲得此中趣，惟觀天際山。獨想陶弘景，令人心意閒。
倚雲樓為至人上賦

至公好樓居，揭以倚雲名。雲虛不可倚，直欲觀崢嶸。
歛尔山中起，油然石上生。濕衣沾弱絮，過角弄輕英。
最覺凌霄迥，還看映日明。逶迤成故事，憑藉足高情。
懷哉虞太史，題詩為刻楹。

見山亭為洞神宮主江濟川賦

本是江總宅，晚為老氏宮。軒豁此亭子，樂哉同姓翁。
盤礴青溪上，睥睨白門東。雲林肅仙氣，道德揚清風。
見山便自好，何必居山中。悠然今古意，此事將無同。

納交行

古人已寂寞，古道復荒汲。井引寒泉仰，見明月光
纖。映素手，輓轡銀床。願言持其盈，得奉君子嘗。味
清見高潔，皎。滿中腸。豈無盈尊酒，合歡會蘭堂。
醉即捐禮法，亂性恐不祥。汪。此中誼悠。深且長。
君當領吾誠，報以伐木章。

題虞幼悅西郊草堂

因憶浣花杜陵老，使我不樂懷成都。張儀城外雪山
立，玉女井邊露春濡。邵菴先生家本蜀，悅也草堂宜
有圃。成奉公以為樂，藉此名何時與世想。公堂前

風日腴野梅官柳一株：縣官來問禮官熟閣老出
遊孫子扶圖書琴瑟在左右遊意澹天為徒新詩
兼見公手蹟讀者愛比驪龍珠公在西堂郊草裏神
文自是才情美江水娛人秋日暉雅音蕭條公老矣

秘書行送達秘監

天下學士聚鴻都老氏藏室仙為徒漢有石渠更天
祿貞觀人才顏與虞故事星纏木天壯東壁神光如
寶珠閣前芝草列五色度雲湛露垂金鋪三王五帝
在時事蓬萊道家之所無者委蛇行秘書近蜀人卻
菴目力枯迄今一代論制作先生合上明光趨二十
龍頭還最貴三十多冠名不孤揚歷中外復多載使
預朝政恐所須竊當留中贊帝謨奏列學者陳區
送酒况承光祿寺進食何止步兵厨還思晝夜延青
鏢莫問君王乞鑑湖

送牛彥伊湖南憲副

數歲情親托隣里飲酒自放寧拘禮城中故旧四五
人與子不識何為喜前者較藝列春官官今者薦登
御史簾葭蒼、白露盈鳳皇飄、赤霄起衡山諸峰
雲氣高上有朱鳥飛嗽、洞庭揚波瀟湘接送子百
丈江中艘芙蓉此時開滿郊綉衣握節巡江隼荆潭

倡和得從事長沙幕府待俊髦豈與他人我獨勞自
古陳力還吾遭曹

送曹德昭入掾中臺

孟秋高颺蕩炎熱太白當頭映佳月天地始肅禾乃
登長歌送君思激烈青驄馬肥青芻秣公子為郎亦
材傑臺端象賢重耳目天邊北斗司喉舌大夫抗禮
丞相前掾曹執法俱才賢栖鳥在庭古柏樹元氣旁礴
雲蒼然魯公葛葛纒方綿金鐘玉磬尔兩在懸快戎在此
行視古秩清廟之瑟朱絲絃故人濩落江邊海為君
一誦秋水篇請諸君直上窮河源

送牛彥伊之金陵兼寄曹德昭御史

苦憶茅山隱陶君此行白下子何如未湏名字收通
刺還有高留讀書五月蘭苔栖翡翠千年桂樹傍
蟾蜍紫簫聲徹臺山鳳綵筆香墨詔魚昨喜故人
來曰隱始聞御史拜新除深期古道酬家業東魯文
貞謚不虛

送張中丞之官翰林

中丞獻納道如何內相絲綸寵莫過槐閣地聯文石
陛杏園春滿曲江波陰、雨露深青瑣个、星辰濕
絳河花蕊隔簫宮漏近柳條當戶曉鶯多中官送酒

青絲絡上苑乘駟白玉珂豈獨寸心圖補報要須元
及首賡歌太常禮樂還相問閣老才名迥不磨通國
此時同悵望憶公何處最委蛇鰲峰巨石森蓮島香
殿微風拂御羅延佑得賢俱第一野人白首□林
阿

送友人歸苑陵

不道歸期落秋暮双溪流水瓜木紅相過李白題詩
處莫着山濤故事中

題張氏野綠堂

記得東隣移樹時草堂前後插籬籬花英藥蔓渾閑

事最愛風流生桂枝

次韻虞內翰寄倪元鎮

呼吸朝陽煉日精昌蒲花氣綠熒熒幾時銀海浮雲
盡蜀客相遇李士寧

春日

映日含風白苧衣香飄晴雪弄晴暉春故人騎馬不相
識蛺蝶自來衣上飛

偶成

船落黃泥白与沙春光都在棠梨花蜜蜂相喧作何
語日晚松陰報午衙

橫塘曲

妾家住橫塘綠水映垂楊五月南風起荷花似藕香

唐宮詠

聞草賭珠襦穿花提玉壺東頭老供奉好似執金吾

蝶

失意穿羅袖緣情戀繡床妬遺衣上粉狂覓酒邊香

送龍翔俊用章住吳白馬寺

白馬吳中寺袈裟建業船黃花季秋月錦樹大江烟
洗鉢胡僧飯馱經漢帝年何時虎丘石共論永明禪

送鄉人錢明之赴閩閩掾

仗節開閩閩分曹傍省闈用人多那有外觀海更無涯

白露收柑子南風食荔枝未分須頻會面多寄府中時

春風

飄飄泛綺陌迴薄滿彤闈拂衣光可綠吹花力豈微
細聲行寶瑟佳氣襲羅衣萬有那堪補一無何所歸

送卓御史移西臺

漢節楚江東堂秦御史公泰山指太白胡馬驟青駮

光映長安月涼生建業風冥鴻有高羽多在栢臺中

陶巨川歸養

雁過秋霜落滿衣數聲相近白雲飛寄書莫送潯陽

鮓采石江頭魚最肥

寄石民瞻

礧泉堂上白髮翁苦憶雲山杖屨同秋到黃花無幾
日人生只合酒盃中

寄曹德昭臺郎

昔年驅車往河甸河水迢迢不相見侍御駮馬昔揚
鑣卽君今君年復為掾昨冬苦寒不可當子乃哀經
請太常禮官封謚有褒卹賜碑撰刻皆文章名駒翩
日千里白驂騮與駮駟范滂攬轡望澄清爰爾傳
家尤更美我宗門戶真淒涼四十五年相將數竒

命薄多軼軻但恐失所纏風霜馮唐已老何由起駿
蕤不言幾失子雄飛雌伏何足論目斷秋江送雙鯉

二月十九日登大茅峰夜宿元符宗壇因呈

集虛真人并閒遠潘尊師

大茅峰栖雲絕頂祠宮石壇秋日冷杖藜蕭條一老
翁仲冬焚香謁司命石間流水俯潺湲妙意所得何
能言昔聞茲山直通蜀避世何必求桃源清晨躋攀
歷深窈下視諸宮樓觀小亂葉打頭風倒吹是日苦
寒絕飛鳥三鳥弟子老奉祠清淨寡真吾師清酒綠
液半凝脂慰我遠來還飢渴閒遠先生更竒古壁間

示我虞翁詩、中爰道李太白結巢雲松復此客九
江秀色雖可滄高隱何如煉精魄吾聞茲山到處有
神仙楊許遺書倘可傳泥丸絳宮朝內室景玉經玄文
味至言如此亦足昌吾年

早行

溽雲歛徂暑陰火鍊金精瞻彼河漢白林園風亦清
肅：郊雁翔嘒、山蜩鳴吹笳者誰子三五柳邊城
：門一何高岐路百從衡諒無楊朱泣然悠白首情
惡木
園中有惡木蜂蠆何其稠蛇蝎相同類小大僅不侔

生性豈如斯好惡非良謀古人善比况蝴蝶夢莊周

蓮荷葉何田

蓮葉何田、田、生綠波明朝大如蓋風吹將奈何

草生盤石上

草生盤石上根深石不露水流磐石間風吹下山去

二

草生磐石上似許行人坐水流盤石間不許行人過

白苧

皎々機上素脉々閨中情砧杵何曾識玄黃遺染名
裁絳為君衣意妾自分明不受青蠅汙還飄積雪輕

旧歡團扇合新歡蘭蕙清非惟抱美質亦復含素誠
如何梁武帝子夜換歌声

谷口歌采榮

谷口歌采榮松間吹玉笙如無此時興何處有高情
唐虞讓天下巢許擅其名哀哉和氏璞獻者楚王城

草生可攬結

草生可攬結衣敝香不減風吹古別離換我青鬢髮
去年往燕趙今年來吳越各自有情人寫膏化為血

題玉山西藏淵明歸來圖後

陶令昔去官當世豈知賢杖藜柴桑里汎舟即斜川

春風五柳陰秋日秫盈田歲釀盃中物佳辰奉賓筵
觴來各有趣斟酌罄交歡為生豈易了藉此一欣然
咄哉羲皇人既遠身名全

蛛網上落花

飛花墮蛛網映臨池紫空以搖曳相值竟相持
不成羅綺織翻為紅素悲迴看旧時樹傷滯腹中絲

送湯生茂才歸苑陵

春舟度霍甯晨鼓發龍灣軟語勞相接幽期任獨還
風清業渚雲白敬亭山自有府公薦慙無遊子顏

春夏承湖南僉憲元顏子中問訊敬用酬其

上

有客湖南去聞公憲新坐霑梅子雨憶別柳條春節
衡岳瞻朱鳥湘江詠綠蘋升車訪遺逸問俗願清淳

賦少尹廼元臣為東平郡王之諸孫求詩

聖歷開文運王章定武功大人推部落開府冠山東
日月旂常異山河帶礪同諸孫傳赤鳥小雅播彤弓
一命起居注載趨趨長樂宮掖庭官濟、淮浙賦中、
竊忌徵求急方來福祿崇翱翔寫鳳日逆順馬牛風
帝力生成大人灌漑公共圖譎政理多稼荅年豐
奉同楊廉夫賜簡杜原夫達兼善

徵君旧任臨江宅高世早排閭闔雲太史誰修名士
傳隱居合注武夷君相逢之處歌九曲小篆以來書
八分勒取山經載名刻清時白首重高文

送黃秘書歸金華

作松張貞
居堂在陽

祕書古壘洗金玉閒追琢寘之宗廟間乃復敦素樸
科詔昔求賢明經以為學君雖第三甲文氣已磅礴
鳳毛聯五色麟定時時一角于時正中日青冥翔寥廓
迄今半臺省往者俱館閣枚數盡英雄隱顯閑述作
偉哉尚書宋繼起秋天鶚一魁四海望旋復淒夜疑
盛互絕續天意豈石厚薄窟私淑仰先覺况及大夫吾

予幸老翁掛冠彌矍鑠安車大江左杖藜名山郭清
言窮理窟私淑仰先覺况及大夫公生世糜好爵述
德紀豐碑山木工則度宛々白下虹剡々翠螭裸無
双江夏安豫章元祐脚清標溢素羽皦若離群雀翕
然萬里思芝萬草焉用啄不食固不飢風清九舉樂
回首漢庭偃倒行竟前欲疏廣非甚賢知止自寬綽
僕也猷畝中謳歌以耕鑿聞名三十載交誼欣所託
鵬鷄各栖飛萍蓬殊依泊天寒望古栢孤翠幾嶮錯
深期帝子階仿佛洞庭樂餘青今在無大雅其寂寞
緬想虞閣老安問頗悠邈空花結翳業不療金筓膜

滄江落日遠一葦中流弱外史論文章譚君口諤々
我欲盍賦詩持贈勤有恪君家金華隣冉々儂意昨
神光運草木白石俱起躍攤書石間帙洗觥松下酌
生榮畢志願俯仰何愧怍六經聖道微汨流到伊洛
其文有蘊奧其義約後生待來茲前輩已零落則約
往々輕師說授受工標掠虛辭相矜誇体認迷執捉
君歸善自謀何以同桀矧詩教本人心煩君曉粗畧

東成行

東城俯春流余昔釣遊地憶嘗拈落蓋相俛倚桃樹
葉底避遊絲叢深納飛絮同時四五輩被服俱美麗

千金各有自攜日暮恣遊戲但道長如此焉知老將至
昨日尋旧遊光景徒自媚日白肆江海踪漂零復誰記
非無桃与李寂寞千萬億

南隣翟志道以著書為陽青縣尹作以詩貽之

束帶謝廳事抱琴歸柴荆時雨適然霽田中逢耕種
繞舍桑麻交境与心跡并皤然六十叟始得佚吾生
適意盃酒間天地同其情懷賢不可見掇以秋菊英
嗟哉陶縣卓彼身後名

策馬立郭門

策馬出郭門仗劍歌載馳河水北洋洋太行東魏々
風吹白日瞑死者橫路岐傳聞多殺傷瑟愴神魂飛
心御丈夫諾手握千金資直前且不顧詎以禍福移
人生貴同類所獨哀流離迫此苦寒節悠々僕夫飢
下馬知馬勞上馬憂馬遲雖不通馬語情事諒庶幾
落日古戰場往々令人悲豈意霄壤間我行今踐斯
題元暉山水

江上江雲漠々寒有時帶雨過層巒只愁海岳菴前
路水沒黃沙鴨嘴灘

丈人行

城門有丈人種瓜綠盈園瓜熟許隣吃偷之竟不言
歲久都感激相期瓜蔓繁雖有困窮去抱瓜不寃
近者天稍旱群兒走塞門請為救瓜活不憂井水渾
深知丈人德豈感使君恩忠信苟不偷風俗誠所敦
嗟々復嗟々敢為鄙夫論

寄陳象仲供佛

春日同

騎馬都下歸放船湖中賞恩沾翰林制樂奏鳳池響
十年雨露間一日青冥上虞陳本同姓詞源浩沆漭
他山翠琰刻別殿黃金榜諸公誦合作觀者必抵掌
昨聞已超然近見益高爽宜乎盛名下傳寫日以廣

漢史奏德星君家太丘長餘音撫廟瑟致禮張賢網
吾哀竟五十所去輒尋文雲瀑代春弦女蘿為夕幌
誓掛牛角書妻子鹿門往薄忝君子交幽期起遐想

陳方

字子貞

題野秀堂與項可立同賦

沃壤酌々眇 齊長林深處結幽栖草生夜雨江湖
闊花發春雲鳥雀低梢葉已高瓜滿地蓴芽欲老芋

成畦疎簾細篔宜清畫物、煩公取次題

附項可立詩二首 霞際浮青玉霏、吳

中景物天下稀三江入海作秋浪五湖滿
地搖夕暉孤雀忽與白雲起神龍或挾赤
鯉飛胡床抱膝但長嘯丈夫安得為輕肥

又

築室湖灣種花柳掃雲岩阿坐薜蘿曉雨
紅披黃鳥路春風綠漾白鷗波招隱誰看
大山賦扣舷自作小海歌莫收俗物掛眼
底由來勝事吳中多

送趙虛一還金陵

中興天子潛龍地頃詔先生去祝釐
旧坐風亭留御榻新題金榜出高棖
日明仙仗朱旛動雨暗江靈鉄騎馳
手種青松聞有實康強却過種松時

題宣和所製赤駒圖

房星委地生神衆馬不得相儔匹
千里風輕白玉蹄平淵春浴丹砂質
自從長養入天閑振鬣常陪乘輿出
未知見敵赴戈矛所慣承恩聞警蹕
嘶當落日近尊嚴氣抹長林動蕭瑟
不慚芻豆飽微軀尚覬朝家三品秩
宣殿和裏圖書暇親見圉人事
爬櫛當時

青海九萬餘未有一匹當宸筆臨軒睥睨迥出群落
紙須吏歛奔逸內侍傳宣賜近臣再拜奎光欲騰室
秋深沙苑多蒺藜夜半河南吹感粟已詔民間置牧
地如此龍媒敢輕失青城道上塵眯人六宮粉黛無
精神此時此馬
不能追隨天子
向南去哉哀委骨俱蒙塵

送蕭天祥為蕭山縣學官

儒官已在群僚底南士尤嗟一介微日送青瞋何漠
、手循華髮尚依依、匡衡未老願堪解阮籍多窮淚
可揮雁塔近從秋草沒鴉林遠傍暮桑飛人皆鷄口

喧爭利子獨鰲頭坐夫機寂寞宮墻悲傳舍荒蕪禮
樂見深衣諸生載酒同題句賢宰鳴琴共按徽綠樹
雪回神禹下白蘋風起孝婦歸門當越嶺春橫地
接江潮夜撼扉定与王郎招爽氣復陪賀監倚斜暉
登臨轉忽、過勝絕寧教草、違端欲早收榱与

摘祗愁空老故山薇

常日正同洲也

華彥清登長洲玄妙閣有詩曰同韻

地接三吳口人操象楚音樹迷晴漠、花亂夕森、
碧是當時血春非往日心翻思當矢石猶暇惜冠簪
丞相戈如雪將軍志比金倉皇驚破竹踴躍念披襟

壞堞仍存旧高標獨峙今星河垂綺戶雲霧出琪林
鳥去蒼茫闊帆歸迤邐深諸天欣共賞勝地肅同臨
突兀雄連棟依微隔遠岑紫霄停廣樂白日閱層陰
倒影何多美空歌試一吟悠々江海興冉冉市塵侵

題割服老女卷

蜂蠆螫我手阿舉須動色如何割服女引刀不受惜
見父不見肉視股如視石眼前秦越人區々較肥瘠

呈王本齋尚書

聖主光先業王春再至元贊衰符妙策擇選副深論
衆意推耆德三魯鎮大藩虎珠秋月避烏幟海雲翻

籍々番禺頌明々造化恩清標非栢府高秩是薇垣
煮海民為食經營古所敦于淮邦足賦浩汗利之源
弊政思張弛長材畀輕軒光芒分八座精采送孤騫
鼎重千鈞小膠清萬丈渾龍文須御服馬漣錫壺尊
香散知心醉春回到骨温冰霜愁左 風雨命前奔
竈々連雲起船々附蟻屯絕知忘夙夜何暇覓甕飡
昔也東西浙歡然遠近言市無憂折閱人不困牢盆
公日惟扃戶方時亦在門從容嘗語接歎息每銷魂
短褐 如鬼傳食首欲髡潮乾昧沫白日淡莫烟昏
卒戍春鳴柝人家月照樊鹵成俱井々地限各村々

碧海浮天際黃茅暗竹根緬思多彷彿已閱十寒暄
識量今逾老聲華晚更尊謬知慚散散甚欲寫瑤珞
形弔徒蕭瑟心馳正鬱煩仙花團雪淨江草亂雲繁
早晚招漁艇丘墟問故園搢衣瞻管仲掃榻寄陳蕃
袍笏仍圖画山林數記存此時鷗舄鷺隨意樂乾坤

清閔閣詩

門前灌木春啼鳥屋畔長松夜宿雲剪得蒲苗青似
髮燒殘香篆白成文偶同社老惟耽句遂訝顏淵不
茹葷境勝固應天所惜品題蕭洒最憐君

二

湘簾半捲雲當戶野雀一聲風滿林纔立簾紋波細
、又疑牆影雪陰、竹搖槩几常開帙花落蒸床獨
抱琴不謂世間仍得此恍然飛鶴駐仙岑

新正獨坐

柳葉叅差蘭葉長西隣春酒鬱金香吾生不飲惟搔
首此物多情故惱腸髮已鏡添新歲白書仍筆底點旧
時黃向人節序年、異來往猶煩禮數忙

元日後雪

年前春色惱梅花年後寒妬柳芽半夜人間成玉
宇朝元殿裏散天葩風生碧海雲與際日射藍田壁

有瑕明發扁舟西郭去一溪新水漲晴沙

送蔡霞外

不見道人今四載踈狂猶似旧時多自言曾到神仙
宅公亦須吟離別歌澗草陰、披紫藟山花細、落
青蘿只愁骨相無清氣赤水玄珠奈尔何

寄開元和尚

娑羅室內早春初經卷香花禮佛餘終日更談言外
法十年不寄蜀中書夜深雪殿當空白月落風樓近
竹虛若得為吾留一榻韋郎詩句豈容踈

元宵留無錫有感

曾聞故老說前朝今在殊方度此宵月殿不催春賜
酒風檐空憶夜吹簫已無花影如雲起那有香作霧
塵飄滿眼踈狂何所去青松接屋自蕭條

贈茅山呂洞陽兼寄郎孤岩

前代將軍五世孫華陽洞裏茅君事白虹夜隱蒼精
劍紫電晨書碧落文花滿石壇長不掃木生仙壤獨
能分尊君若見即高士為說山林愛白雲

就王季野省父簡孫子翼處士

吾廬歷、楚江邊子渡江時繫泊舩須問垣墻仍好
在莫教風雨轉淒然夢成蝴蝶隨春去愁斷麒麟並

塚眠若見孫登還一咲餘聲散入薜蘿烟

送覺上人謁龍翔錄寄子翼

偶逢吳下鄭居士手把新詩就我吟紙上姓名無俗
氣篇中律呂有遺音鮫人淚落金盤冷木客歌傳石
磴陰騰寫已堪驚老眼龍翔一宿會知心

王季野由鎮江過揚州省覲父尚書以送

楚：斑衣照暮春蒲帆帶雨出西津樹瓜步迷青如
蘇江漾蕪城白似銀久謂尚書安寢少不勝天子寵
榮新暫時定省加惟憚枉使吹簫送客頻

奉白鄉雲老

目曰白雲鄉元

天寒客裏輕相別花落孤村喜獨來贈扇豈堪承故
意徵詩徒使愧非才汀洲日遠叅差樹門巷陰生宛
轉苔玉珮珊：天未曉只聞長嘯一聲回

寄王仲叔

陌上誰家子行春並騎來揮鞭不相問回顧復疑猜
二月初消雪東風尚落梅更尋禪宗地石上玩蒼苔

草堂雅集卷三終



